



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1663. usque ad annum 1674

**Fleury, Claude**

**August. Vind. [u.a.], 1780**

**VD18 90119193**

§. 125. Varia Lusitanorum fata.

---

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

*Varia Lusitanorum fata.*

Postquam Hispani Lusitanos a pace  
Pyrenæa exclusos noverant, om-  
nem belli molem in eos effundere para-  
bant, infausto tamen plerumque Marte  
pugnantes; quamvis enim Joannes Au-  
striacus Hispani exercitus Imperator  
anno hujus sæculi sexagesimo tertio  
Lusitanis Eboram eripuisset, paulopost  
tamen hanc urbem accepta ingenti  
clade rursus cedere coactus, ad castrum  
Roderici, amissa etiam Alcantara civi-  
tate Hispana, tantam suorum stragem  
perpeffus est, ut pactis belli induciis  
nil amplius impetrare posset, nisi ut  
deficiente mascula Bragantinæ Domus  
linea ad Hispaniæ coronam Lusitania  
reverteretur: Anno sequenti denuo ab  
Hispanis conclamata est ad arma  
contra Lusitanos, magis adhuc funesto  
belli successu: quippe ad Villam vicio-  
sam ad internecionem deleti, & cum  
Gallis novo bello impliciti, hoc anno  
tandem, sollicitante Carolo II. Angliæ  
Rege, pacem sancire compulsi sunt, ea  
lege, ut Lusitani deinceps liberi, ac  
nullatenus Hispanorum imperio subjecti  
dicerentur, omnesque urbes, quæ  
utriusque fuerant Regni, antequam

*Menez Hist.  
de Portug.**Vertot Hist.  
des Rev. du  
Portug.**Montpens.  
t. 5. p. 243.**Mem. Hist.  
& Chronol.*



Sæc. XVII. in unum regnante Philippo II. co-  
A. C. 1668. luerant, redderentur, excepto Ceuta  
propugnaculo Hispanis relicto: Sedato  
exteri belli tumultu Lusitaniæ thronus  
domestico dissidio concuti videbatur;  
cum enim Alphonsus VI. Rex adhuc  
adolescens ob morbi violentiam ingenii  
corporisque debilitate lanqueret, ac  
insuper quorundam, quos a consilio  
habere voluit, exemplis ac sermonibus  
ad eadem prave facta incitaretur, multa  
in flagitia, vitamque mollem, ac vo-  
luptatibus tanto Principe indignis con-  
fertam sese præcipitem dedit; prom-  
ptis enim in deteriora lapsibus lubrica  
ruere solet juvenus Regia, quoties  
nefarium Aulicorum magisterium ad-  
piscitur. Corruptos hocce Mariti sui  
mores diutius ferendo impar Regina  
Maria Francisca Elisabetha de Auma-  
lia ejus Conjux, ex Procerum consilio  
clam Aula discessit, atque ad Divæ  
Claræ Monasterium, quod in Ulyssipo-  
nensi suburbio erat, profuga ad Al-  
phonsum Regem literas dedit, quibus  
eidem significabat, se religione ob-  
strictam in Gallias reverti decrevisse,  
proin sibi dotem restitueret, cum imple-  
met haud ignoraret, eum conjugali so-  
cietati ineptum esse. Perlecta hac epi-  
stola Alphonsus impotentis animi effre-  
natione abreptus, ad monasterium  
conten-



contendit, claustrique portas aperiri Sæc. XVII, A. C. 1668.  
jubet, repulsa autem accepta jamjam fores in frustra discindi mandat, cum oportune Regius Princeps ejus Frater superveniens, precibus, gravibusque rationibus eundem eo adigeret, ut ad Palatium suum reverteretur: Regina vero suæ secessionis causas manifestabat, quas inter haud infima erat, quod Alphonsus ad connubii usum inhabilis, ut suam impotentiam celaret, ad Conjugis suæ pudicitiam prostituendam ex suis clientibus quemdam instigasset: cum ergo Alphonsus tam uxori quam Regno ineptus censeretur, Proceres æque ac populus hujus Regis imperium excutere parabant, ac primo custodiæ in suo Palatio datum eo compellebant, ut Regnum suum Petro Fratri suo cederet, quo facto ad Tertiam Insulam, inde vero ob concitandi tumultus metum ad Zindrensem arcem deportabatur. Proceres vero primas eo curas intendebant, ut Reginam inter & Petrum nuptias conciliarent; obstabat tamen vinculum propter animorum conjunctionem ex honestate ortum, cujus gratia, ne Romæ impetraretur, Hispani nil inausum, intentatumque relinquebant: Romana igitur Curia ad Lusitani Senatus preces diu aures claudente, Ludovicus Cardinalis de Vandome



Sæc. XVII. dome tum Apostolicus in Galliis Legatus, ac Reginæ Avunculus ejusmodi impedimentum tollendi facultatem in Francia, vicinisque locis sibi competere ratus, Alphonfi matrimonium esse nullum declarabat, ac Reginam hucusque intactam cum Petro Principe Solemni precatione conjungebat: Re comperta Hispani, eorumque fautores hanc dispensationem, nuptiasque Romæ vehementer impugnabant, causati, hoc negotium merito accenseri causis majoribus sacræ Sedi reservatis, Legatumque Apostolicum, æque ac Canonicos Ulyssiponenses, legitimæ potestatis limites excessisse. Verum Clem. IX. Papa Francis addictus, auctoritate ac consensu suo rebus hucusque gestis accessit.

## §. CXXVI.

*Ultronea Casimiri Poloniæ Regis abdicatio.*

*Priorat.  
Hist. di Leopold. I.  
p. 2. lib. 6.*

**M**agis adhuc periculosis tumultibus per aliquot annos Poloniæ Regnum jactabatur; cum enim Maria Gonzaga Regina liberos suscipiendi spem destituta anno hujus sæculi sexagesimo primo Regni Successorem, vivente adhuc Rege, eligendi copiam sibi relinquere peteret, Lubomirskyus supremus Regni

Mare